

ԻՆՖՈՐՄԱՏԻԿԱՅԻ ՀԵՌԱՎԱՐ ՈՒՍՈՒՑՄԱՆ

ՀԵՌԱՆԿԱՐՆԵՐԸ ԼՂՀ-ում

Վ. Վ. Առստամյան, կիրառական մաթեմատիկայի և ինֆորմատիկայի ամբիոն
Մ. Ղ. Սահրադյան, ՀՊՄՀ ինֆորմատիկայի, հտ-ի և դրանց դասավանդման մեթոդիկայի
 ամբիոնի վարիչ մ.գ.թ., դոցենտ

Կրթության համակարգը դժվար է պատկերացնել առանց ինֆորմատիկայի. քանզի այն, որպես գիտության նոր ճյուղ, ուսումնասիրում է մաթյակային գործունեության ամենատարբեր ոլորտներում ինֆորմացիայի որոնման, հավաքման, պահպանման, ձևափոխման և օգտագործման հետ կապված հարցերը, մեծ ազդեցություն է գործում ժամանակակից հասարակական կյանքի տնտեսագիտական, սոցիալական, գիտա-տեխնիկական և կուլտուրական ոլորտների վրա [1]:

Չնայած տարածաշրջանի անկայուն վիճակին, պետք է նշել, որ ԼՂՀ-ն ևս անմասն չի մնացել հասարակության տեղեկատվական (ինֆորմատացման) գործընթացից: Սակայն հասարակության իրազեկվածությունը (ինֆորմատացումը), մեր կարծիքով, պետք է սկսել կրթության համակարգի դիրքորոշման վերափոխումից:

Ներկայումս ԼՂՀ-ում (ԱրՊՀ-ի կիրառական մաթեմատիկայի և ինֆորմատիկայի ամբիոնում) մեր կողմից մշակվում է ինֆորմատիկայի հեռահար ուսուցման համակարգ, հաշվի առնելով տարածաշրջանի առանձնահատկությունները (նկատի է առնվում տարածաշրջանի անկայունությունը, հանրապետության և այլ պետությունների միջև հաղորդակցական կապի բացակայությունը՝ բացի Հայաստանից), որը բացասաբար է անդրադառնում հեռահար ուսուցման համակարգի ներմուծման գործընթացի վրա:

Արցախի աշխարհի համար հեռահար ուսուցումը ունի մեծ նշանակություն, քանի որ այն հանդիսանում է գյուղատնտեսական երկիր, որտեղ ուսանողների ու աշակերտների հիմնական մասը հանդիսանում են գյուղական վայրերի բնակիչներ և նպատակահարմար է սկսել հեռահար ուսուցման գործընթաց:

Դա բխում է նաև հետևյալ երեք դրություններից.

- հնարավորություն ունենալ ստանալու քոմպյուտերային գրագիտություն առանց կտրվելու հիմնական գործից.

- գյուղական վայրերի ապահովումը ինֆորմացիայի աղբյուրներով.

- ուսուցման գործընթացում ընձեռնել հնարավորություն կատարելու ուսումնական առարկային վերաբերվող նյութերի ընտրություն:

Հեռահար ուսուցման զարգացման հեռանկարները սերտորեն կապված են ինֆորմատիկայի, որպես գիտության, վերջին հաջողությունների հետ [2]:

Կրթական համակարգի անցման համար ԼՂՀ-ում որպես հիմնական ուղղություն, մախատեսվում է հետևյալը.

- կապի հաղորդակցական նոր տեխնոլոգիաների ներդրում՝ միջազգային և տեղական ցանցերում.

- առաջատար տեխնոլոգիաների օգտագործում տարբեր առարկաների ուսուցման գործընթացում.

- կրթության համակարգի դիտում, որպես չընդհատվող՝ անընդհատ գործընթաց:

Վերջին ժամանակներս Հայրաբաղում կատարվում է միջազգային ցանցի (INTERNET) ներդրման այսպես կոչված գործընթաց, որը կնպաստի իրազեկված հասարակարգի անցմանը:

Արցախի պետական համալսարանի ուսանողները (առկա) արդեն լայն հնարավորություն ունեն (պարապմունքներից հետո) համակարգչային դասասնելակներում օգտագործելու միջազգային ցանցի հնարավորությունները: Բոլոր ուսանողներին հնարավորություն է ընձեռնված ստեղծելու սեփական էլեկտրոնային հասցեներ (E-mail) ցանցում աշխատելու համար:

Հեռահար ուսուցման համակարգում մեծ նշանակություն ունի տեղեկատվական տեխնոլոգիան և ինֆորմատիկայի միջոցները՝ գրաֆիկական և տեքստային խմբագրիչները, տվյալների բազայի կառավարման միջոցները, հիպերտեքստերը, մուլտիմեդիա-տեխնոլոգիաները, էքսպերտ համակարգերը և այլն:

Հեռահար ուսուցման համակարգի ուսումնական նյութը դասակարգվել է ըստ մակարդակների [3].

Առաջին մակարդակը իր մեջ ընդգրկում է սովորական տեքստեր, դրանք ընդհանրվում են հարցումներով:

Երկրորդ մակարդակի նյութերը դա աուդիո-վիդեոկոնֆերանսներն են, երկչափ գրաֆիկան, որոնք ունեն լայն հնարավորություն ուսումնական պրոցեսի արդյունավետության բարձրացման մեջ:

Յրրորդ մակարդակի ուսումնական նյութերը դա մուլտի-մեդիա տեխնոլոգիաների օգտագործումն է: Այստեղ նկատի է առնվում եռաչափ համակարգչային գրաֆիկան, ձայնային ցուցադրական գործընթացները, արտասպատկերման դիմամիկան և, վերջապես, իրականության հնարավոր (վիրտուալ) իմտեքֆեյը (պատկերը), որը հնարավորություն է տալիս ուսուցման գործընթացը դարձնել ավելի դիտողական: Մեր կարծիքով ինֆորմացիոն մոր տեխնոլոգիաների հարաճուն զարգացումը ե ուսումնական պրոցեսում ընդգրկելը պահանջում է նոր մոտեցումներ նշված մակարդակներում:

Ուստի առավել կարևոր է մշակել հեռահար ուսուցման նոր համակարգ, ուր պետք նախատեսվի ինֆորմատիկայի ուսուցումը տեղափոխել դպրոցի ավելի ցածր օղակները: Լաբորատոր, ինքնուրույն աշխատանքներով նպաստել սովորողների մտավոր հետազոտական աշխատանքների հմտությունների զարգացմանը, ինչպիսիք են սեփական աշխատանքը պլանավորելը, խելամտորեն այն կատարելը, աշխատանքի սկզբնական պլան կատարման ռեալ ընթացքին հետևելը, արդյունքների վերլուծությունը: Բնական է, նկատ ունենալ.

-համաշխարհային INTERNET ցանցը, WWW-սերվերները և կոմունիկացիայի ա հնարավորություններ.

-ուսումնական դասընթացների էլեկտրոնային գրադարանները.

- ֆինանսական միջոցների առկայությունը՝ կախված քաղաքական գործոնից:

Մեր կողմից առաջ քաշված հարցերը, ինչ խոսք, չեն սպառում այն հիմնահարցեր պատասխանները, որոնք առկա են Արցախ աշխարհում կապված մեծ նշանակություն ունեցող հեռահար ուսուցման գործի կազմակերպման հետ:

Ամփոփում

Հուլիսի 2006 թ. դիտարկվում են ԼՂՀ-ում ինֆորմատիկայի դասավանդման և նո ինֆորմացիոն տեխնոլոգիաների ներդրման ռեա կապված հրժանարացելը:

Հեռահար ուսուցման համակարգի հիմնահարցը նշված է այն ուղղություններ ենթատեքստում, որոնք ներկայանում են որպես ուսանողների, գյուղական վայրեր դպրոցականների ուսուցման հետ կապված հիմնական տեմդեցներ:

Резюме

В статье рассматриваются основные вопросы, связанные с внедрением новых информационных технологий и углубленным преподаванием информатики в НКР, которые предоставляют возможность перехода к информационному обществу.

Вопрос о системе дистанционного образования изучается в контексте тех направлений, которые являются основными тенденциями в обучении студентов и школьников сельских местностей.

Գրականություն

1. Коллин К.К., Опережающее образование и проблемы информатики. 1996.-N2.

2. Тихонов А.Н., Иванников А.Д., Информатизация российского образования и общества целом. 1997.- N4.

3. Латыпов Р., Интернет: к новому типу образования. 1997.-N3.